

Cov Kev Ntsuam Xyuas Thoob Plaws Xeev: Tej Yam Uas Cov Tsev Neeg Yuav Tsum Tau Paub txog

Kev Siv Cov Tshwm Sim Tawm Los Ntawm MCA thiab MTAS

CTXhua lub caij nplooj ntoo hlav, Minnesota cov tub ntxhais kawm ua cov kev ntsuam xyuas txuas mus no txhawm rau kom tau raws li tsoom fwb thiab xeev cov cai teeb tseg.


- MCA (Minnesota Li Kev Ntsuam Xyuas Txhij Txhua (Minnesota Comprehensive Assessment))
- MTAS (Minnesota Li Kev Ntsuam Sim Cov Kev Txawj Fab Kev Kawm (Minnesota Test of Academic Skills))

Cov tub ntxhais kawm feem ntau ua qhov MCA, tab sis cov tub ntxhais kawm uas tau txais cov kev pab cuam fab kev kawm tshwj xeeb thiab muaj raug raws li cov cai kev muaj cai tau txais yuav ua qhov MTAS los hloov.

Kev ua kom ntseeg siab tias txhua-txhua tus tub ntxhais kawm nkag tau mus rau cov ntsiab lus thiab kev qhia kawm uas koj nruj yog qhov tseem ceeb nyob rau Minnesota li kev cog lus los muab kev kawm kom zoo rau txhua-txhua tus me nyuam.

Qhov Kev Tshaj Tawm Tub Ntxhais Kawm Ua Ib Leeg (Individual Student Report, ISR) muab txhua tus tub ntxhais kawm cov tshwm sim ntawm los ntawm MCA los sis MTAS txij thaum lub caij nplooj ntoo hlav los.

Cov tshwm sim tawm los qhia ua rau pom **thoob plaws** txog tus tub ntxhais kawm li kev kawm fab lej, kev nyeem ntawv, thiab/los sis xaij, saib raws li tej yam uas txhua tus tub ntxhais kawm tau vam tias yuav kawm nyob rau hauv tsev kawm ntawv thaum tag qib kawm.



Cov tshwm sim tawm los yog **ib qhov kev ntsuas** txog tub ntxhais kawm li kev kawm. Koj tuaj yeem siv tau cov tshwm sim tawm los - los pab txheeb xyuas qhov uas koj tus tub ntxhais kawm tab tom ua tau zoo thiab qhov uas tej zaum yuav tsum tau muaj kev pab txhawb ntxiv rau lawv. Tsim nyog siv cov kev ntsuas ntxiv kom tau daim duab zoo zog ntxiv.



- Qib kev kawm tau (Tsis Raug Raws Li, Raug Raws Li, Raug Raws Li Qee Feem, los sis Tshaj Li) tuaj yeem qhia tau qhov kev nce qib nyob rau yam kawm thaum uas lub sij hawm dhau mus, tab sis cov qhab nia MCA/MTAS tsis tuaj yeem sib piv tau thoob plaws cov xyoo kawm vim cov qib tsis tuaj yeem sib piv tau.
- Cov tsev kawm ntawv tuaj yeem siv tau cov tshwm sim tawm los - los ua lus qhia rau kev txiav txim txog cov pab pawg pab txhawb cov tub ntxhais kawm thiab los txhim kho cov ntaub ntawv qhia-kawm, tab tsis yog ib feem xyuam nkaus xwb rau txhua tej tus tub ntxhais kawm cov kev txiav txim xws li kev nce rau qib kawm tom ntej thiab kev muab tso kawm rau tus qauv kawm qib siab/kev hloov kho.
- Cov tub ntxhais kawm ntawm tsev kawm ntawv qib siab tuaj yeem siv tau cov tshwm sim tawm los rau kev muab rau tus qauv kawm ntawm Xeev Minnesota qhov kev ua hauj lwm ntawm cov tsev kawm khos lej thiab cov tsev kawm yus nis vaws xis tim los sis rau Cov Hauv Kev Xaiv Sau Npe Kawm Tsev Kawm Ntawv Qib Siab (PSEO) thiab Tsev Kawm Khos Lej Hauv Cov Tsev Kawm Ntawv cov khoos kas.



Cov lus nug uas yuav nug koj tus tub ntxhais kawm:

- Dab tsi yog koj qhov ua tau zoo nyob rau hauv yam kawm thiab dab tsi yog qhov kev cov nyom?
- Nyob ntawm tsev kawm ntawv koj tuaj yeem nrog tau leej twg tham txhawm rau thov kev pab los sis nug lus nug?

Cov lus nug uas yuav nug koj tus tub ntxhais kawm tus xib fwb:

- Kuv yuav tau txais cov kev hloov kho dua tshiab ntxiv txog kuv li kev nce qib li cas?
- Nyob ntawm tsev kawm ntawv nws muaj cov kev pab cuam dab tsi los pab txhawb kuv tus me nyuam?



Cov Kev Ntsuam Xyuas Thooob Plaws Xeev Qhia Rau Minnesota Lub Phiaj Xwm Kev Kawm

Kuaj Xyuas Kev Ua Raws Li Cov Qauv Cai

- Cov qauv cai qhia cov kev vam rau cov tub ntxhais kawm li kev kawm thiab kev qhia kawm.
- Cov kev ntsuam xyuas thooob plaws xeev qhia ua rau pom thooob plaws txog tus tub ntxhais kawm li kev kawm raws lil cov qauv cai.
- Tsoom fwv cov tsev kawm ntawv thiab cov koog tsev kawm ntawv siv cov tshwm sim tawm los no ua ib feem ntawm lawv qhov muaj kev xwm yeem thiab muaj txhij txhuam qhov kev ua hauj lwm ntsuam xyuas.
- Siv cov ntaub ntawv tau los ntawm koog tsev kawm ntawv qhov kev ua hauj lwm ntsuam xyuas (cov kev ntsuam xyuas hauv chav kawm, hauv koog tsev kawm ntawv thiab ntawm xeev) ua ke los ua lus qhia rau kev qhia thiab kev kawm raws li cov qauv cai.

Kev Muab Kev Muaj Vaj Huam Sib Luag Saib Ua Qhov Tseem Ceeb

- Tuaj yeem siv tau cov ntaub ntawv tau los ntawm qhov kev ua hauj lwm ntsuam xyuas uas muaj kev xwm yeem thiab muaj txhij txhua ua cov lus qhia txhawm rau ua kom ntseeg siab tias txhua-txhua tus tub ntxhais kawm tau txais kev kawm uas zoo, tsis hais lawv yuav yog haiv neeg twg los sis muaj tus khauj ZIP li cas los xij.
- Tuaj yeem siv tau cov tshwm sim tawm los ntawm cov kev ntsuam xyuas thooob plaws xeev los saib thooob plaws cov pab pawg tub ntxhais kawm, cov tsev kawm ntawv thiab cov koog tsev kawm ntawv txhawm rau txiav txim qhov uas tej zaum yuav muaj cov kev tsis muaj vaj huam sib luag thiab qhia txog cov kev qhia kawm uas muaj txiaj ntsig zoo.

Kev Muab Cov Tshwm Sim Tawm Los Uas Siv Tau

- Minnesota cov kws qhia ntawv thiab cov tswv cuab hauv zej zog muaj kev cuam tshuam rau ntau kauj ruam ntawm kev tsim kho kev ntsuam sim thiab yog cov khub uas tseem ceeb rau qhov hauj lwm no.
- Muaj cov kev ntsuam xyuas thiab cov kev kuaj xyuas cov tshwm sim tawm los uas koj nruj ua ntej tshaj tawm.
- Tag nrho ob yam no tib si yuav ua kom ntseeg siab tias cov tshwm sim tawm los ntawm kev ntsuam xyuas thooob plaws xeev yog qhov kev ntsuas kev kawm raws tus qauv cai uas siv tau thiab ntseeg siab tau nyob rau lub sij hawm cov tub ntxhais kawm ua kev ntsuam sim.

Txij thaum Lub Peb Hlis Ntuj xyoo 2020 los, cov kws qhia ntawv, cov tub ntxhais kawm thiab cov tsev neeg tau ntsib cov kev hloov pauv uas tseem ceeb thiab mus tob heev nyob rau fab kev qhia thiab kev kawm, nrog rau muaj qhov zoo rau fab zej tsoom thiab txoj kev xav. Nws yog qhov tseem ceeb uas yuav tsum khaws tseg rau hauv siab thaum ntaus nqi cov tshwm sim tawm los ntawm kev ntsuam xyuas, vim tau qhia ua rau pom cov kev hloov pauv no nyob rau hauv tub ntxhais kawm cov qhab nia tab sis yog qhov nyuaj uas yuav piav qhia kom raug.

Puas muaj lus nug?

Rau ntaub ntawv kev paub ntxiv txog txoj hauv kev uas koj lub tsev kawm ntawv tab tom ua los pab txhawb tub ntxhais li kev kawm, mus saib ntawm nplooj Cov Qib Kev Muaj Yeej Ntawm Kev Ntsuam Sim, Cov Tshwm Sim Tawm Los Ntawm Kev Ntsuam Sim thiab Kev Khoom Nrog nyob rau hauv Minnesota Daim Npav Tshaj Tawm.

Yog tias koj muaj lus nug txog koj tus tub ntxhais kawm cov tshwm sim tawm los ntawm MCA los sis MTAS, txuas lus rau koj lub tsev kawm ntawv. Yog tias koj muaj lus nug txog Minnesota cov qauv cai fab kev kawm los sis cov kev ntsuam xyuas, txuas lus rau mde.testing@state.mn.us.